

3 Zon

Agau e nugau zebigeg

Zon go agau tub kolital sikut weun. Go gonugau wanib sikut wab tam, go gaul guzenai sikut weun iz agal gumaranemin du banou izan sikut wemin. Go du tub gonugau wanib Gaius sikut wai moroun. Gonug Kristen duail el ipal suban gumaraimai, isanareun, gonun, Zon nug gonugau wanib ulagwag moroun. Zon nug go du tub igul eg macaneu, gonugau wanib Daiotrepis, suban piabun aimai aureun.

¹ O Gaius, iz Yesus en oiagab petak anemen duail el gumaranem. Na izal zai pet. Petak, izal oiab na en noumeun.

² O zai, iz abiu nait dorop naliu dareu, gonun, iz na salau mai darem salau naliu usalabun, mui, na suban dabun go en Uwait na isanizabun aurai darem. ³ Igu al zaiger ipal agen iz waiab alaimai, na petak ze suban sesamoranem en ailemen. Iz ze go doimai, izal oiab siksikeu. Petak pet iz abiu, umkoskos na petak ze suban sesamoranem. ⁴ Izal gelear alear agen Yesus nugau petak ze suban sesamoranemen doimai, izal oiab naliu pet usalaneu.

Zon nug Gaius nugau wanib wag meun.

⁵ O zai, iz na en oiab nug noumem, na igual Kristen zaiger unum isanaraimai, salau naliu macanem. Petak, dudu ipal uzan tub an na i abiu guzental isanaranem. ⁶ Dudu go na isanaremen agen alaimai, duail el oiagab petak emen e

darem awaremen. Go guzenai dudu nait uzan alebi, koli unabun ziwab ebu, na Uwait nugau ougab siksikabun goagal abu unabun ece unum maren. ⁷ Goagal salau bigegwemen ziwab ebu, goagal uzan uteimai, Yesus nugau wanib ulagwag murabun betena, duailel Yesus en oiagab petak ab tam agal ece i wanemen. ⁸ Guzenina, igag Yesus en oigeb petak emun dudu, igag dudu go isanarab. Igul go eiman igag ereg petak ze abai marabun salau tutak mab.

Daiotrepis gonugau igul eg.

⁹ Iz ze ipal nait gumaranem duailel sikut wai maremin, bo, Daiotrepis go izan sikut wai maremin duab uteu, nugtal go du banou usalabun guzenaneu. ¹⁰ Guzenina, iz ag waiagab beteimai, gonug igul eg go meun araog mai. Gonug igual waninig ebu ze ata atai polumaneu. Go igul go tutak guzenai i aneu, dudu ipal Yesus en oiagab petak emen zuna, gonugau zaueim i imarai bitaneu. Dudu ipal agen goagal zau imarai bitabun anem, gonug ze kuataimai, dudu go Yesus en oiagab petak emen duailel gotulanemen ebuan zamaraneu.

Demitrius go igul naliu macaneu.

¹¹ O zai, iz na en oiab noumem, na dudu ipal agal igul eg i sesamoren, bo, na igul naliu sesamorene. Duair in go igul naliu sesamorene, go Uwait nugau. Duair in go igul eg macaneu, go Uwait piab tam. ¹² Duailel unum go Demitrius nugau igul naliu ulagzanem. Uwait nugau petak ze nug han gonugau wanib wag muraneu. Ig han gonugau

wanib wag muranem, na abiu igual ze go petak pet.

Poabun ze.

¹³Iz ze asiu dareu sikut wai mizeimai, ze mabun iboin, bo, ze e unum sikut wab utem. ¹⁴Iz na betei peizemin, iguana ereg hoboï daimai zeze mab.

¹⁵Nait ounab selai damau. Zaiger e ebu daremen agen han na 'Kero' aizem. Na koli izal 'Kero' ze igual zaiger na ibaiz darem unum awaren.

Uwait nugau Ze Naliu
The New Testament in the Kein Language of Papua
New Guinea
Nupela Testamen long tokples Kein long Niugini

copyright © 2005 Wycliffe Bible Translators, Inc.

Language: Kein

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 21 Feb 2024 from source files dated 31 Aug 2023

7c8d8e69-f9a1-5ddf-9698-e3ef19204c55